

Upplýsing - Félag bókasafns- og upplýsingafræða

Lágmúla 7, 108 Reykjavík, kt. 571299-3059

<http://www.bokis.is>

Framkvæmdaáætlun stjórnar 2004-2005

1. Rekstur og uppbygging skrifstofu félagsins, s.s. að svara erindum og fyrirspurnum sem berast. Koma ýmsum upplýsingum sem berast félaginu, s.s. um ráðstefnur erlendis, á framfæri við félagsmenn um póstlista félagsins og/eða í Fregnum. Sinna tengslum við og halda utan um störf nefnda, fulltrúa, starfshópa og áhugahópa sem vinna á vegum félagsins. Skipuleggja, byggja upp og halda við heimasíðunni www.bokis.is. Ganga frá skjölum félagsins og finna þeim geymslustað. Viðhalda félagatali og útsendingarlistum Fregna og Bókasafnsins. Stefnt er að aukinni ráðningu starfsfólks á starfsárinu.
2. Útgáfa og dreifing fréttabréfsins *Fregna* sem kemur út þrisvar á ári.
3. Fylgjast með hugsanlegum breytingum á húsnæðismálum hjá BHM og bregðast við þeim.
4. Sinna kynningu á félaginu, innanlands sem utan. Gera kynningarbækling um félagið. Bjóða nemum í bókasafns- og upplýsingafræði á kynningarfund.
5. Þátttaka í samstarfi formanna og framkvæmdastjóra norrænna bókavardafélaga og árlegum fundi þeirra svo og þátttaka í annarri norrænni samvinnu eftir því sem við á. Ennfremur þátttaka í evrópsku (s.s. EBLIDA) og alþjóðlegu samstarfi (s.s. IFLA) eftir því sem við á hverju sinni.
6. Endurskoða verklagsreglur, m.a. stjórnar, fulltrúa og nefnda og útbúa handbók fyrir stjórn.
7. Með júníhefti Fregna verða send félagsskírteini til fullgildra félagsmanna. Einnig verður skoðaður sá möguleiki að gefa félagsmönnum kost á nafnspjöldum með einkennismerki Upplýsingar.
8. Athuga endurskoðun siðareglna í samræmi samfélagsþróun.
9. Endurskoða reglur Ferðasjóðs Upplýsingar.
10. Endurskoðun á lögum félagsins með því markmiði að skýra og skerpa reglur um félagsaðild og t.d. atkvæðisrétt á aðalfundum. Endurskoða ákvæði um skipurit.
11. Halda opinn samráðsfund með fulltrúum nefnda og fulltrúum félagsins í nefndum og ráðum um starfsemi félagsins og innra starf þess. Slíkan fund skal að jafnaði halda annað eða þriðja hvert ár.
12. Endurmenntun starfsfólks á bókasöfnum m.a. í samstarfi við Endurmenntun HÍ og aðra aðila eftir því sem við á. Standa fyrir fræðslufundum fyrir félagsmenn.
13. Útgáfa fræðsluefnis um nýtingu á upplýsingatækni á heimasíðu félagsins og á prentuðu formi. Menntamálaráðuneyti hefur veitt styrk til verkefnisins að upphæð kr. 350.000 (2001) og kr. 1.000.000 (2003). Bæklingur liggur fyrir í handriti og stefnt er að útgáfu hans fyrir haustið.
14. Ljúka við námsefnis- og námsgagnagerð í framhaldi af námskrá fyrir bókasafnstækni og dreifnámi fyrir starfandi ófaglærða bókaverði sem hófst 13. desember 2003 við Borgarholtsskóla. Menntamálaráðuneyti hefur veitt styrk að upphæð kr. 450.000 (2001) til námsefnis- og námsgagnagerðar og 1.300.000 (2003). Verkefnisstjórn lauk samningagerð við höfunda á árinu 2003.
15. Ljúka útgáfu og dreifa sögu FB og BVFÍ ásamt aðildarfélögum þess (FBR, FAS og Skólavörðunnar). Sagan spannar sögu bókasafnsfræðinga- og bókavardastéttarinnar frá stofnun Bókavardafélags Íslands 4. des. 1960 fram til 4. desember 2000. Ennfremur er fjallað um mótunarár Upplýsingar. Friðrik G. Olgeirsson sagnfræðingur er höfundur bókarinnar sem væntanlega kemur út í júní.
16. Efling félagsstarfs. Stefnt er að því að jólagleði, vorferð/haustferð og fræðslufundir verði fastir þættir í félagsstarfinu. Ennfremur kynningar á lokaprófsritgerðum, s.s. meistaraþrófsritgerðum.
17. Stjórn Upplýsingar hefur á stefnuskrá sinni að félagsmenn njóti betri kjara en utanfélagsmenn á þeim námskeiðum og viðburðum sem staðið er fyrir innan vébanda félagsins. Miðað er við a.m.k. 20% afslátt.

*f.h. stjórnar Upplýsingar - Félags bókasafns- og upplýsingafræða
Þórdís T. Þórarinsdóttir formaður
Sumardaginn fyrsta, 22. apríl 2004*

Upplýsing varð til 1. janúar 2000 við sameiningu íslenskra bókavardafélaga og er fagfélag á sviði bókasafns- og upplýsingafræða, m.a. með það markmið að gangast fyrir faglegri umræðu, efla skilning á mikilvægi íslenskra bókasafna og upplýsingamiðstöðva í þágu menningar, menntunar og vísinda og efla samvinnu þeirra.